

KENYATAAN MEDIA

PENUTUPAN JALAN DI JALAN BUKIT BINTANG, JALAN RAJA CHULAN (TERKINI PADA JAM 4.00 PETANG)

Kuala Lumpur, 8 Mei 2014: Mass Rapid Transit Corporation Sdn Bhd (MRT Corp) ingin memberi perkembangan terkini mengenai penutupan jalan di kawasan Bukit Bintang.

Kerja memperbaiki paip pecah yang telah mengakibatkan peutupan sebahagian Jalan Bukit Bintang (menghala ke Pavilion) di hadapan Ruang Pameran Audi, dan sebahagian Jalan Raja Chulan (menghala ke Jalan Tun Razak) antara persimpangan Jalan Conlay dan Jalan Imbi, telah siap.

Namun pada pagi ini, paip tersebut telah pecah sekali lagi. Kerja memperbaiki paip itu untuk kali kedua telah siap pada pukul 3.00 petang ini.

Bekalan air ke Bangunan LTAT yang terputus akibat kejadian pecah paip, akan beransur pulih. Sementara itu, bekalan sementara telah dihantar ke Bangunan LTAT dengan menggunakan lori tangki.

Memandangkan keadaan ini, penutupan Jalan Raja Chulan (menghala ke Jalan Tun Razak) dan Jalan Bukit Bintang (menghala Pavilion) akan diteruskan. *(Sila rujuk peta yang dilampirkan.)*

MRT Corp akan membuat pengumuman mengenai status pembukaan jalan dalam masa terdekat.

KESELAMATAN PEJALAN KAKI

Memandangkan penutupan jalan yang mengakibatkan penutupan beberapa lorong pejalan kaki, pihak Kontraktor Kerja Bawah Tanah Projek MRT, MMC Gamuda KVMRT (T) Sdn Bhd telah menengenal pasti beberapa lorong untuk dijadikan lorong pejalan kaki alternative. *(Sila lihat peta yang dilampirkan.)*

Pejalan kaki dinasihatkan untuk mematuhi arahan papan tanda yang diletak di sepanjang jalan.



Lencongan Jalan

Disebabkan penutupan jalan yang dilaksanakan, MRT Corp menasihati pengguna jalan raya supaya menggunakan laluan alternatif berikut:

i) Dari Jalan Raja Chulan menghala ke Jalan Tun Razak

Pengguna jalan raya perlu membelok ke kiri memasuki Jalan Sultan Ismail di Hotel Istana dan kemudian meneruskan perjalanan di sepanjang Jalan P Ramlee dan Jalan Ampang untuk sampai ke Jalan Tun Razak. Pengguna jalan raya juga boleh menggunakan Jalan Conlay untuk mengakses ke Jalan Kia Peng, dan kemudian dihubungkan dengan Jalan Tun Razak.

ii) Dari Jalan Raja Chulan ke Jalan Bukit Bintang

Dua laluan masih dibuka dan boleh digunakan.

iii) Dari Jalan Raja Chulan ke Jalan Imbi

Disebabkan pusingan ke kanan telah ditutup, pengguna jalan raya perlu menggunakan jalan susur bersebelahan Pavilion untuk memasuki Jalan Bukit Bintang, kemudian ke Jalan Yap Tai Chi untuk mengakses Jalan Imbi.

iv) Dari Jalan Conlay (menghala ke Bukit Bintang)

Semua aliran trafik dari Jalan Conlay ke Jalan Raja Chulan akan dilencongkan ke jalan susur bersebelahan Pavilion, menghala ke Jalan Bukit Bintang.

v) Jalan Bukit Bintang (menghala ke Pavilion)

Disebabkan jalan di hadapan ruang pameran Audi masih lagi ditutup, semua aliran trafik di sepanjang Jalan Bukit Bintang dari Jalan Tun Razak akan dilencongkan ke Jalan Imbi.



vi) Laluan penghubung ke Bangunan LTAT and Menara Worldwide

Kedua-dua bangunan ini hanya boleh diakses melalui Jalan Bukit Bintang dari Jalan Tun Razak. Kenderaan akan dibenarkan untuk membelok ke kanan untuk mengakses bangunan-bangunan tersebut, melalui laluan masuk sementara di pembahagi jalan di Jalan Bukit Bintang. Kenderaan yang ingin keluar dari Bangunan LTAT akan dilencongkan ke Jalan Imbi.

vii) Lintasan pejalan kaki di Chulan Square

Lintasan pejalan kaki di antara Chulan Square dan ruang pameran Audi juga telah ditutup. Pejalan kaki perlu menggunakan lintasan pejalan kaki yang berdekatan dengan pusat membeli-belah Pavilion untuk melintas ke Jalan Bukit Bintang.


Polis trafik dan Pasukan Tindakan Kecemasan (ERT) Projek MRT telah dihantar untuk membantu mengawal trafik.

MRT Corp ingin memohon maaf diatas segala kesulitan yang berlaku dan akan memberikan maklumat terkini berkenaan keadaan penutupan jalan dan pembukaan jalan.

Untuk maklumat lanjut, orang awam boleh melayari laman sesawang MRT di www.mymrt.com.my atau www.mymrt-underground.com.my,

Twitter @MRTMalaysia atau @MyMRTUnderground, Facebook @MRTMalaysia atau dengan menghubungi Hotline MRT di **1-800-82-6868**.

TAMAT



Untuk pertanyaan media, sila hubungi:

MMC-Gamuda KVMRT (T) Sdn Bhd

Cik Jalina Joheng

03-23858625 / jalina@kvmrt-ug.com.my

MRT Corp

En Leong Shen-li

012-3196602 / leong.shen-li@mymrt.com.my